



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmæ Virtvtvm, Ac Vitiorvm , Tomus ...

Guilelmus <Peraldus>

Lvgdvni, 1585

De superbia quæ apparet in equitaturis. Cap. XIX.

[urn:nbn:de:hbz:466:1-46161](https://nbn-resolving.org/urn:nbn:de:hbz:466:1-46161)

eam illis, si diligentiam debitam haberent circa illum. Ideo laudandus esset per singulas noctes, exéplo Dauid, sicut viri delicati volunt habere candida linteamina quasi singulis noctibus. De lecto isto legitur Cant. 1. Lectus noster floridus. Econtrario lectus aliquorum per negligentiam eorum non floridus est, sed fordidus: & ubi quiescere debuerunt cum Deo, ibi inquinantur & cruciatur cum diabolo. ¶ Quintum est, consideratio lecti in quo corpus ponetur in morte: scilicet consideratio sepulchri in quo à vermibus corrodetur. Eccl. 10. Cum moritur homo, hæreditabit serpentes, bestias, & vermes. Incongruum est cadauer poni in tam superbo lecto, quod ponendum est in tam vili sepulchro. ¶ Sextum est, consideratio illius lecti in quo nobilior pars hominis iacet, scilicet cor: velit nolit superbus, cor illius iacet super lectum immunditia plenum, scilicet stomachum.

De superbia quæ apparet in equitaturis. CAP. XIX.

Sequitur de superbia quæ apparet in equitaturis. Quæ quadrupliciter apparet. ¶ Primo, in multiplicatione equorum, quæ prohibita est etiam regi, Det. 17. Cū fuerit rex constitutus, non multiplicabit sibi equos, nec reducet populū in Ægyptū equitatus numero subleuatus. ¶ Secundo, in non necessario usu equorum. Sicut accidit illis, qui per modicam leucam nolunt ire nisi equitent, qui pro nihilo videntur pedes habere, cū non ambulēt ex illis. Dauid: Pedes habent & non ambulabunt. Impotentiores videntur esse tales homines paralyticis, cū ire non possunt nisi habeant multos equos. ¶ Tertio, in nimia exquisitione equorum, sicut accidit illis qui equos volūt habere impinguaros ad pascendum oculos hominum. ¶ Quarto, in superbo ornatu equorum: sicut accidit illis qui Christū dimittūt in pauperibus nudum & famelicū, & equos suos phaleris deauratis, & deargētatis ornāt.

De his quæ debent homines cohibere à tali superbia.

MULTA sunt quæ possunt & debēt homines cohibere à superbia ista. ¶ Primum est multiplex cōminatio, quam facit sacra scriptura equitatibus. Vnde Zach. 10. Cōfundantur ascensores equorum, & 12. eiusdē: In die illa, dicit Dominus, percutiam omnem equū in stupore, & ascensorem eius in amētia. In stupore, dicit gl. ita ut qui viderint percussos stupeant, & ascensores eorum pressi magnitudine periculi vertātur in demēciam. Et Esa. 31. Væ qui descēdunt in Ægyptum in equis sperantes. ¶ Secundum est exemplum Christi, qui non legitur equitasse, sed semel tantū asinasse, & tunc ibat ad mortē suam, in signū quod multi equitādo tendunt ad mortem æternam. Multū debet mouere

homines exemplum istud Zachar. 9. Ecce rex tuus veniet tibi in
 stus & Saluator: ipse pauper & ascendens super asinam & super
 pullum filium asinae. Et disperdam quadrigam Ephraim, & equum de
 Ierusalem. Dispergere deberet exemplum istud de ecclesia Dei
 equum. Mirum est, quod non erubescit seruus, ire equester, ex quo
 dominus vadit pedes. Bern. Intolerabilis impudencia est, ut
 sese exinaniuit maiestas, infletur vermiculus, & tumescat. ¶ Ter-
 tium, exempla sanctorum. Indecens enim est ex quo filij Dei, si-
 licet viri iusti pedites incedunt, seruos diaboli equites incedunt.
 Hanc peruersitatem dicit Salomon se vidisse, Eccle. 10. Vidi ser-
 uos in equis, & principes quasi seruos ambulantes super terram.
 ¶ Quartum, est hoc, quod cum equitaturae habeantur a superbia
 ad gloriam, tamen diligenter aspicienti potius cedunt ad ignomi-
 niam. unde frater Guido Carthusiensis: Quomodo non gloriatur
 de fortitudine, qui gloriatur de infirmitate? Equus qui te ferat
 infirmitas tua est, fortitudo esset si eum ferres. ¶ Quintum est hoc,
 quod superbia ista apostasia est in fidelibus. Abrenuntiauerunt
 enim populi diaboli in baptismo. unde pompaticè incedere, apo-
 stasia est ipsis. Amos 6. Vae vobis qui opulenti estis in Sion, & co-
 fiditis in monte Samariae: optimates capita populorum, ingredien-
 tes pompaticè domum Israel. ¶ Sextum est hoc, quod superbia
 ista multum constat, & parum habet utilitatis, quantum constat hinc
 superbia, multi apertius legunt in libro experientiae, quam in li-
 bris scripturae: multi enim depauperati sunt hac de causa, & me-
 rito depauperantur: quia carere emunt equos, & volutarie equi com-
 edunt super eos. Hic est enim vnus de velocioribus modis depau-
 perandi aliquem, quando equi comedunt super eum: nec solum superborum
 equi comedunt super eos, imò etiam comedunt eos, quando illi
 equi comedunt de rapina. Comedunt enim super animas paupe-
 rum. Vnde hoc modo loquendi, quo aliquis dicitur comedere
 pallium suum, quando comedit illud pro quo pallium suum impigno-
 ratum est, possumus dicere, quod superborum raptorum equi comedunt
 eos. Non multum etiam utiles sunt huiusmodi equi, cum facilius sine
 equo perueniatur ad caelestem patriam, quam in equo. Facilius enim
 fugit aliquis, & effugit manus hostium infernalium sine equo, quam
 cum equo. Vnde Esaia 30. dicunt mali: Super equos ascendemus.
 Et subditur: Ideo velociores erunt qui persequentur vos. Nec so-
 lum parum utiles sunt equi superbis, imò etiam valde nocui sunt
 eis: cum enim illis sint alligati vinculo vani amoris, ipsi trahunt
 eos ad patibulum infernale. Merito in inferno punietur, qui pro-
 priis expensis equos pascit a quibus illuc trahitur. ¶ Septimum est hoc

am

amor pauperū. Timendum est ne Deus multū offendatur, quoniam subtrahitur ori suo in pauperibus, vnde equi impinguntur.

De superbia quæ apparet in familia. CAP. XX.

Notandum quod tria possunt esse reprehensibilia in familia nalicuius potentis. ¶ Primum est, multitudo. vnde Ecclesi. 5. Vbi multæ sunt opes, multi & qui comedunt eas, & quid prodest possessori, nisi quod cernit diuitias oculis suis? ¶ Secundum est, vita inhonesta. vnde Bernardus: Nec te dixeris sanum dolentē larera: hoc est, ne te dixeris bonum malis innitentem. Nō tuta est bonitas tua obsessa malis, nō magis quā sanitas vicino serpenti. & David in Psalm. Oculi mei ad fideles terræ, vt sedeant mecum: ambulans in via immaculata, hic mihi ministrabat. Nō habitabit in medio domus meæ qui facit superbiam, &c. ¶ Tertium est, inutilitas. Fatuum enim est habere familiam sibi inutilem. Proverbiorum 14. Iracundiam regis seruus inutilis sustinebit. Matth. 2. Seruum inutilem proiците in tenebras exteriores: & sicut diximus prius, Christianos qui pompatici sunt, quantum ad multitudinem equorum, apostatas esse & transgressores baptismatis, quo promiserunt abrenuntiare pompis diaboli: sic possum dicere de illis qui pompatici sunt, quantum ad magnam familiam, qui gaudent de multitudine familię sequentis eos. Tali facultate laborant quali laborat ille qui deferens mel, gauderet eō quod multæ muscæ sequerentur eum. Senec. Multi aliquem comitantur, mel muscæ sequuntur, cadauera lupi, frumenta formicæ, prædam sequitur turba ista, non hominē. Quandoque familia quam credit superbus esse suā, potius est familia diaboli, custodiens eā diabolo. vendit etiam eam diabolo, dum procurat, quod ipsa corrumpatur in iudicio vel alio modo: quādoque etiā vinum sepelit eum, dum ei adulatur. Vnde Greg. loquēs de illo verbo Matth. 8. Sinite mortuos sepelire mortuos suos, dicit: Mortuus mortuum sepelit, cum peccator peccatorem aggere adulationis premit. Familia etiam superbi eū comedit, dum temporalia quæ illi vnita sunt per amorem consumit. vnde August. Nimij amatores temporalium fecerunt ea membra sua. Vnde vsualiter solent dicere auari cū bona eorum comeduntur, se comedi.

De superbia conuiuiorum. CAP. XXI.

Superbia conuiuiorū apparet. ¶ Primo in hoc, quod magni & diuites inuitantur qui nō indigent, & pauperes relinquuntur: contra illud Luc. 14. Cū facis conuiuium, voca pauperes, debiles, claudos, cæcos, & beatus eris, quia nō habet vnde retribuāt tibi: retribuetur enim tibi in retributione iustorum. ¶ Secū. in hoc, quod sunt multi mini